



# Moya le Letsatsi



SESOTHO



## Mantswe a sebediswang haholo (ikgopotse)

tjhesa, sheba

## Mantswe a sebediswang haholo

ntwa

nka

monna

lefatshe

tiisa

## Medumo (ikgopotse)

kg, ng, th, tl, ts

## Medumo

hl (lohle, hlobodisang, mohlodi, hlaha, hlobola)

ll (mollo, lohella, konopolla, tlamolla)



Dibuka tsa Mophato wa Motheo tse  
theoseditsweng boemong bo tlase

Di phatlaladitswe ka 2012 ke Molteno Institute for Language and Literacy

E thehilwe ho ya ka dibuka tse tshheditsweng  
ka ditjhelete ke Zenex Foundation



### ★★★★ Moya le Letsatsi

- Mohlophisi: **Jenny Katz**
- Baqapi ba pale: **Jenny Katz le Mirna Lawrence**
- Mosebetsi: **Jenny Katz**
- Setsebi sa puo ya Sesotho: **Mmasibidi Setaka**
- Seakanyi: **Marleen Visser**
- Boakanyi le boqapi: **Resolution**



Creative Commons Attribution-  
NonCommercial-NoDerivatives (CC  
BY-NC-ND) 4.0 International Licence

Disclaimer: You are free to download and  
share this work as long as you attribute the  
Molteno Institute for Language and Literacy,  
but you may not change this work in any way  
or use it commercially.

© 2012 Molteno Institute for Language and Literacy



ISBN 978-1-77580-069-9

# Moya le Letsatsi

E thehilwe paleng ya Aesopa ya  
“Moya wa Leboya le Letsatsi”

*O ka tswela pele ntle le  
ho sebedisa matla*





Ka letsatsi le leng mariha, Moya le  
Letsatsi ba ile ba ba le ntwá.

‘Ke matla ho feta wena,’ ho bua Moya.  
‘Nka fefola difate.’

‘Ke matla ho feta wena,’ ho bua  
Letsatsi. ‘Nka besa moru ona kaofela.’

‘E be ke nka mollo wa hao ke tjhesa  
lefatshe lohle,’ ho bua Moya.





Ya re ba sa bua, monna e mong a feta a apere baki.

‘Ha re emise ho bua re etse teko ya hore ke mang ya matla,’ ho bua Moya. ‘Ya tla hlobodisang monna eo baki e tla ba mohlodi.’

‘Ho lokile,’ ho bua Letsatsi. ‘Wena, qala!’



Moya wa qala ho foka. Serame sa moya o batang sa etsa hore monna eo a thothomele.

Moya wa foka haholo. Katiba ya monna eo ya fofela hodimo. Monna a konopela dikonopo tsa baki ya hae kaofela.

Moya wa foka haholo, wa foka, wa foka wa ba wa foka. Monna a tiisa baki.





Moya o ne o se o kgathetse.

‘A ke o leke le wena, Letsatsi,’  
ho bua Moya.



Letsatsi la hlaha. Monna a tlohella  
ho thothomela, a mofuthumala.

Letsatsi la futhu-futhumala. Monna  
a konopolla baki ya hae. A ba a  
tlamolla le tae ya hae.

Letsatsi la futhumala butle.





Ka mora metsotso, monna a hlobola  
baki ya hae.

Ya ba o a tsamaya.



Moya wa sheba Letsatsi wa re ho lona, 'Letsatsi, o matla ho feta nna. O mohlodi.'

'Ke a leboha, Moya. Le wena o matla haholo,' ho bua Letsatsi.



# MOSEBETSI

Tshwantshanya setshwantsho sa 1 le sa 2. Phapang ke eng?

1



2





Dibuka tsa **Vula Bula** di ikgethile mme buka ka nngwe e hlaha dipuong tsa Afrika Borwa tsa setso, hape e akantswe ho latela tswelopele ya tlhaho le ditlhoko tse itseng tsa dithuto tsa puo eo.



**Kgato ya ★ (8)**

Jo!  
Rala o sehe  
Bidika  
Bala  
Baleha!  
Robala  
Mamela  
O se ke!

**Kgato ya ★★ (5)**

Konomaka  
Monehelo  
Lehae  
Ntate o na le Pule  
Seba

**Kgato ya ★★★ (8)**

Ke la mang lebidi le?  
Leeto  
Fesetere e thubehile!  
Thusa!  
O kae Palesa?  
Re bapala mokoko  
Bohobe bo joweng  
Leino

**Kgato ya ★★★★★ (5)**

Lelapa le reka diaparo  
Sehwete se sehlo  
**Moya le Letsatsi**  
Bolokela hosane  
Takatso tse tharo

**Kgato ya ★★★★★ (6)**

Sopo ya lejwe  
Mmutla le sekolopata  
Tau le tweba  
Ho baka le nkgono  
Toropo ya haeso  
Afrika Borwa ya rona

Dibuka tsena di fana ka menyetla e mengata ya ho bala ka sehlopha, ho tataiswa, ho bala ka bobedi le ho bala ka bonngwe hore ba utlwisise medumo le mantšwe a sebediswang haholo kapa maano a ho sheba le ho bua. Dipolelo tse bonolo le mantšwe a tlwaelehileng a dumella tswelo pele ya ho bala. Ditšhwants'ho tse bohehang, tse hlakileng di etsa hore ba utlwisise ha bonolo.

## SESOTHO